



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ**

ք. Երևան

25.03.2020թ.

**Ո Ր Ո Շ ՈՒ Մ  
ՀՀ ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ  
ՔՆՆՈՂ ԱՆՁԻ  
թիվ ԱՑ-ԼՕ-2020/59**

Նախագահությամբ՝ ՀՀ գնումների հետ կապված բողոքներ քննող անձ Լ. Օհանյանի  
Քարտուղարությամբ՝ Ռ. Մկրտչյանի

Պատվիրատու՝ «Հայաստանի ազգային փոլիտեխնիկական համալսարան»  
հիմնադրամ

Մասնակից՝ «Ջետտա» ՍՊԸ

Գնման ընթացակարգի ծածկագիրը և առարկան՝  
«ՀԱՊՀ-ԳՀԱՊՁԲ-19/9» ծածկագրով գնանշման հարցում, տպագրական նյութերի և  
պարագաների ձեռքբերում

Պայմանագրի ծածկագիրը՝ «ՀԱՊՀ-ԳՀԱՊՁԲ-19/9-5»

ՀՀ գնումների հետ կապված բողոքներ քննող անձը (այսուհետ՝ նաև Բողոքներ  
քննող անձ)՝ ոռոմնասիրելով Հայաստանի Հանրապետության ֆինանսների  
նախարարության կողմից 24.02.2020թ.-ի թիվ 26/26-1/2668-2020 գրությամբ «Ջետտա»  
ՍՊԸ-ին (այսուհետ՝ նաև Մասնակից) գնումների գործընթացին մասնակցելու իրավունք  
չունեցող մասնակիցների ցուցակում ներառելու նպատակով նախաձեռնված  
ընթացակարգով ներկայացված հիմքերը,

## **Պ Ա Ր Ձ Ե Ց**

### **1. Գործի նախապատմությունը**

ՀՀ ֆինանսների նախարարությունը, «Հայաստանի ազգային փոլիտեխնիկական համալսարան» հիմնադրամի (այսուհետ՝ Պատվիրատու) 19.02.2020թ.-ի թիվ 01/13.1/345-20 գրության հիման վրա, 24.02.2020թ.-ին «Ջետտա» ՍՊԸ-ին գնումների գործընթացին մասնակցելու իրավունք չունեցող մասնակիցների ցուցակում ներառելու նպատակով նախաձեռնել է ընթացակարգ՝ Բողոքներ քննող անձին ներկայացնելով համապատասխան հիմքերը:

Բողոքներ քննող անձի 24.02.2020թ.-ին կայացված որոշմամբ գնումների գործընթացին մասնակցելու իրավունք չունեցող մասնակիցների ցուցակում ներառելու նպատակով նախաձեռնված ընթացակարգը ընդունվել է վարույթ, տրվել թիվ ՍՑ-ԼՕ-2020/59 համարի ծածկագիրը և նույն օրը հրապարակվել է [www.gnumner.am](http://www.gnumner.am) կայքում:

03.03.2020թ.-ին, 16.03.2020թ.-ին և 25.03.2020թ.-ին նշանակվել են նիստեր:

Գործի քննությունն ավարտվել է 16.03.2020թ.-ին և Բողոքներ քննող անձի որոշման հրապարակման օր է նշանակվել 25.03.2020թ.-ին:

### **2. «Հայաստանի ազգային փոլիտեխնիկական համալսարան» հիմնադրամի ներկայացրած փաստերը և դիրքորոշումը.**

«Հայաստանի ազգային փոլիտեխնիկական համալսարան» հիմնադրամը 19.02.2020թ.-ի թիվ 01/13.1/345-20 գրությամբ դիմել է ՀՀ ֆինանսների նախարարությանը՝ հայտնելով, որ «Հայաստանի ազգային փոլիտեխնիկական համալսարան» հիմնադրամի և «Ջետտա» ՍՊԸ-ի միջև 24.06.2019թ.-ին կնքվել է թիվ «ՀԱՊՀ-ԳՀԱՊՁԲ-19/9-5» ծածկագրով տպագրական նյութերի և պարագաների գնման պայմանագիր: Պայմանագրի համաձայն՝ «Ջետտա» ՍՊԸ-ն պարտավորվել էր 2019 թվականի 3-րդ և 4-րդ եռամսյակի ընթացքում մատակարարել 980 կգ օֆսեթային թուղթ, որը չի իրականացվել:

Հիմք ընդունելով պայմանագրի 2.1.7 կետի «բ» ենթակետը 05.02.2020թ.-ին պայմանագիրը «Հայաստանի ազգային փոլիտեխնիկական համալսարան» հիմնադրամի

կողմից միակողմանի լուծվել է և համապատասխան ծանուցումը հրապարակվել է [www.gnumner.am](http://www.gnumner.am) կայքում:

Ելնելով վերոգրյալից և հիմք ընդունելով ՀՀ կառավարության 04.05.2017թ.-ի թիվ 526-Ն որոշմամբ հաստատված գնումների գործընթացի կազմակերպման կարգի 45-րդ կետի պահանջները, կից ներկայացվել են «Ջետտա» ՍՊԸ-ի վերաբերյալ անհրաժեշտ փաստաթղթերը:

Պատվիրատուն ծանուցված լինելով նիստերի տեղի, օրվա և ժամի մասին, չի ներկայացել հրավիրված նիստերին:

### **3. «Ջետտա» ՍՊԸ-ի ներկայացրած փաստարկները և դիրքորոշումը.**

Բողոքներ քննող անձը 25.02.2020թ.-ի գրությամբ դիմել է «Ջետտա» ՍՊԸ-ին՝ հնարավորություն տալով ՀՀ ֆինանսների նախարարության կողմից 24.02.2020թ.-ի թիվ 26/26-1/2668-2020 գրությամբ նախաձեռնված ընթացակարգի վերաբերյալ ներկայացնել գրավոր կարծիք:

Մասնակիցը ստանալով կարծիք հայտնելու վերաբերյալ գրությունը, ինչպես նաև ծանուցված լինելով նիստերի տեղի, օրվա և ժամի մասին, չի ներկայացել հրավիրված նիստերին՝ չներկայացնելով նաև դիրքորոշում:

### **4. ՍՑ-ԼՕ-2020/59 ընթացակարգի քննության համար էական նշանակություն ունեցող փաստերը.**

Սույն գործի քննության համար էական նշանակություն ունեցող փաստերի համաձայն՝

«Հայաստանի ազգային փոլիտեխնիկական համալսարան» հիմնադրամի և «Ջետտա» ՍՊԸ-ի միջև 25.06.2019թ.-ին կնքվել է թիվ «ՀԱՊՀ-ԳՀԱՊԶԲ-19/9-5» ծածկագրով պետական գնման պայմանագիր (այսուհետ նաև՝ Պայմանագիր):

Պայմանագրի հավելված 1-ով սահմանված տեխնիկական բնութագիր-գնման ժամանակացույցի համաձայն՝ Մասնակիցը պետք է 2019 թվականի 3-րդ և 4-րդ եռամսյակներում մատակարարել օֆսեթային թուղթ:

[www.gnumner.am](http://www.gnumner.am) համացանցային կայքում 05.02.2020թ.-ին հրապարակված թիվ «ՀԱՊՀ-ԳՀԱՊԶԲ-19/9-5» պայմանագրի միակողմանի լուծման մասին թիվ 01/13.1/217-20 ծանուցման համաձայն՝ 24.06.2019թ.-ին կնքված թիվ «ՀԱՊՀ-ԳՀԱՊԶԲ-19/9-5» ծածկագրով պայմանագրի 2.4.1 կետի համաձայն՝ «Ջետտա» ՍՊԸ-ն պարտավորվել էր 2019 թվականի 3-րդ և 4-րդ եռամսյակի ընթացքում մատակարարել 980 կգ օֆսեթային թուղթ, որը չի իրականացվել: Հիմք ընդունելով պայմանագրի 2.1.7 կետի «բ» ենթակետը, ինչպես նաև հաշվի առնելով 26.12.2019թ.-ի թիվ 01/13.1/2380-19 ծանուցումը, 05.02.2020թ.-ից պայմանագիրը միակողմանի լուծվում է, որի մասին կտեղեկացվի լիազոր մարմնին (հիմք՝ ՀՀ կառավարության 04.05.2017թ.-ի թիվ 526-Ն որոշման 45-րդ կետ):

Հայաստանի ազգային փոլիտեխնիկական համալսարան» հիմնադրամը Մասնակցի տվյալները՝ համապատասխան հիմքերով, ՀՀ ֆինանսների նախարարությանն է ներկայացրել 19.02.2020թ.-ի թիվ 01/13.1/345-20 գրությամբ:

## **5. Բողոքներ քննող անձի հիմնավորումները և եզրահանգումը.**

Բողոքներ քննող անձը լրիվ, օբյեկտիվ և բազմակողմանի հետազոտելով և գնահատելով սույն գործում առկա ապացույցները, և համադրելով դրանք գործով պարզված փաստական հանգամանքների հետ, հանգում է այն եզրակցության, որ ՀՀ ֆինանսների նախարարության կողմից 24.02.2020թ.-ի թիվ 26/26-1/2668-2020 գրությամբ «Ջետտա» ՍՊԸ-ին գնումների գործընթացին մասնակցելու իրավունք չունեցող մասնակիցների ցուցակում ներառելու նպատակով նախաձեռնված ընթացակարգն ենթակա է մերժման, հետևյալ պատճառաբանությամբ.

«Գնումների մասին» ՀՀ օրենքի (այսուհետ նաև՝ Օրենք) 6-րդ հոդվածի 1-ին մասի 6-րդ կետի «ա» ենթակետի համաձայն՝ ... մասնակիցն ընդգրկվում է գնումների գործընթացին մասնակցելու իրավունք չունեցող մասնակիցների ցուցակում, եթե խախտել է պայմանագրով նախատեսված կամ գնման գործընթացի շրջանակում ստանձնած պարտավորությունը, որը հանգեցրել է պատվիրատուի կողմից պայմանագրի միակողմանի լուծմանը կամ գնման գործընթացին տվյալ մասնակցի հետագա մասնակցության դադարեցմանը.

ՀՀ կառավարության 04.05.2017թ.-ի թիվ 526-Ն որոշմամբ հաստատված «Գնումների գործընթացի կազմակերպման» կարգի (այսուհետ նաև՝ Կարգ) 45-րդ կետի

համաձայն՝ Օրենքի 6-րդ հոդվածի 1-ին մասի 6-րդ կետով նախատեսված հիմքերն ի հայտ գալու օրվան հաջորդող հինգ աշխատանքային օրվա ընթացքում պատվիրատուն տվյալ մասնակցի տվյալները՝ համապատասխան հիմքերով, գրավոր ուղարկում է լիազորված մարմին, որը դրանք ստանալուն հաջորդող 5 աշխատանքային օրվա ընթացքում նախաձեռնում է տվյալ մասնակցին գնումների գործընթացին մասնակցելու իրավունք չունեցող մասնակիցների ցուցակում ներառելու ընթացակարգ:

Վերոգրյալ իրավանորմի համալիր վերլուծությունը՝ գործով հաստատված փաստերի գնահատմամբ, թույլ է տալիս եզրակացնել հետևյալը.

[www.gnumner.am](http://www.gnumner.am) համացանցային կայքում 05.02.2020թ.-ին հրապարակված թիվ «ՀԱՊՀ-ԳՀԱՊՁԲ-19/9-5» պայմանագրի միակողմանի լուծման մասին թիվ 01/13.1/217-20 ծանուցման համաձայն՝ 24.06.2019թ.-ին կնքված թիվ «ՀԱՊՀ-ԳՀԱՊՁԲ-19/9-5» ծածկագրով պայմանագրի 2.4.1 կետի համաձայն՝ «Ջետտա» ՍՊԸ-ն պարտավորվել էր 2019 թվականի 3-րդ և 4-րդ եռամսյակի ընթացքում մատակարարել 980 կգ օֆսեթային թուղթ, որը չի իրականացվել: Հիմք ընդունելով պայմանագրի 2.1.7 կետի «բ» ենթակետը, ինչպես նաև հաշվի առնելով 26.12.2019թ.-ի թիվ 01/13.1/2380-19 ծանուցումը, 05.02.2020թ.-ից պայմանագիրը միակողմանի լուծվում է, որի մասին կտեղեկացվի լիազոր մարմնին (հիմք՝ ՀՀ կառավարության 04.05.2017թ.-ի թիվ 526-Ն որոշման 45-րդ կետ):

Հայաստանի ազգային փոլիտեխնիկական համալսարան» հիմնադրամը Մասնակցի տվյալները՝ համապատասխան հիմքերով, ՀՀ ֆինանսների նախարարությանն է ներկայացրել 19.02.2020թ.-ի թիվ 01/13.1/345-20 գրությամբ:

Սույն գործի փաստերի համաձայն, Բողոքներ քննող անձը փաստում է, որ Օրենքի 6-րդ հոդվածի 1-ին մասի 6-րդ կետով նախատեսված հիմքերն ի հայտ են եկել 05.02.2020թ.-ին՝ հիմք ընդունելով թիվ «ՀԱՊՀ-ԳՀԱՊՁԲ-19/9-5» պայմանագրի միակողմանի լուծման մասին թիվ 01/13.1/217-20 ծանուցումը [www.gnumner.am](http://www.gnumner.am) համացանցային կայքում 05.02.2020թ.-ին հրապարակելու հանգամանքը, սակայն Պատվիրատուն Մասնակցի տվյալները՝ համապատասխան հիմքերով, գրավոր ուղարկել է լիազորված մարմին՝ ՀՀ ֆինանսների նախարարություն՝ 19.02.2020թ.-ին՝ հինգ աշխատանքային օրվա խախտմամբ:

«Նորմատիվ իրավական ակտերի մասին» ՀՀ օրենքի 41-րդ հոդվածի 1-ին մասի համաձայն՝ նորմատիվ իրավական ակտի նորմը մեկնաբանվում է՝ հաշվի առնելով նորմատիվ իրավական ակտն ընդունելիս այն ընդունող մարմնի նպատակը՝ ելնելով

դրանում պարունակվող բառերի և արտահայտությունների տառացի նշանակությունից, ամբողջ հոդվածի, գլխի, բաժնի կարգավորման համատեքստից, այն նորմատիվ իրավական ակտի դրույթներից, ի կատարումն որի ընդունվել է այդ ակտը, տվյալ նորմատիվ իրավական ակտով սահմանված սկզբունքներից, իսկ այդպիսի սկզբունքներ սահմանված չլինելու դեպքում՝ տվյալ իրավահարաբերությունը կարգավորող իրավունքի ճյուղի սկզբունքներից:

Ամբողջացնելով վերը թվարկված իրավական նորմերը, դրանց համադրման արդյունքում, Բողոքներ քննող անձը հանգում է այն եզրակացության, որ Օրենքի 6-րդ հոդվածի 1-ին մասի 6-րդ կետով նախատեսված հիմքերն ի հայտ գալու օրվան հաջորդող հինգ աշխատանքային օրվա ընթացքում մասնակցի տվյալները՝ համապատասխան հիմքերով, լիազորված մարմնին ուղարկելը Պատվիրատուի պարտականությունն է, այն իմպերատիվ (պարտադիր) դրույթ է, որի պահպանմամբ է միայն հնարավոր փաստել իրավահարաբերության առաջացումը:

Հակառակ դեպքում Կարգի 45-րդ կետով սահմանված դրույթները չեն ծառայի իրենց նպատակին, այլակերպ մեկնաբանման դեպքում կհանգեցնեն որևէ ողջամիտ իրավական փաստարկով չհիմնավորվող մեկնաբանության՝ հաշվի չառնելով այն ընդունող մարմնի նպատակը, նորմում պարունակվող բառերի և արտահայտությունների տառացի նշանակությունը:

«Վճռաբեկ դատարանն իր նախկինում կայացված որոշումներից մեկով կարևորել է, որ Հայաստանի Հանրապետության՝ որպես իրավական պետության կարևորագույն հատկանիշ է այն, որ սահմանադրական մակարդակով պետությունը հավաստում է իր հավատարմությունն այդ տեսությանը, ճանաչում և ամրագրում է իր կախվածությունն իրավունքից, իրավունքի գերակայությունը՝ պետական իշխանության նկատմամբ: Իրավական պետության և իրավունքի գերակայության սկզբունքը, ի թիվս այլոց, դրսևորվում է նրանում, որ Հայաստանի Հանրապետությունը որդեգրել է մարդու և քաղաքացու հիմնական իրավունքների և ազատությունների՝ որպես անմիջականորեն գործող իրավունք լինելու գաղափարը: Այն իր արտացոլումն է գտել նաև 2015 թվականի փոփոխություններով ՀՀ Սահմանադրության 5-րդ (Իրավական նորմերի աստիճանակարգությունը) և 6-րդ (Օրինականության սկզբունքը) հոդվածներում՝ մասնավորապես ամրագրելով, որ Սահմանադրությունն ունի բարձրագույն իրավաբանական ուժ, և որ **պետական և տեղական ինքնակառավարման մարմիններն ու**

**պաշտոնատար անձինք իրավասու են կատարելու միայն այնպիսի գործողություններ, որոնց համար լիազորված են Սահմանադրությամբ կամ օրենքներով (տե՛ս, «ՎՏԲ-Հայաստան բանկ» ՓԲԸ-ն ընդդեմ էդիկ Հակոբյանի թիվ ԼԴ/0509/02/13 քաղաքացիական գործով ՀՀ վճարել դատարանի 12.07.2018 թվականի որոշումը):**

Ընդ որում պետաիշխանական լիազորություններով օժտված ցանկացած մարմին, իր գործառնական կարգավիճակին համապատասխան, օրենքով և նորմատիվ իրավական ակտերով կարող են վերապահվել ինչպես պարտադիր, այնպես էլ հայեցողական լիազորություններ՝ պայմանավորված սահմանադրաիրավական այն հիմնադրույթի իրացման անհրաժեշտությամբ, ըստ որի՝ պետական և տեղական ինքնակառավարման մարմիններն ու պաշտոնատար անձինք իրավասու են կատարելու միայն այնպիսի գործողություններ, որոնց համար լիազորված են Սահմանադրությամբ կամ օրենքներով, չպետք է հակասեն և պետք է համապատասխանեն Սահմանադրությանը, օրենքներին կամ նորմատիվ իրավական ակտերին:

Այսպիսով, վերոհիշյալ փաստական հանգամանքների և իրավական նորմերի լույսի ներքո, դրանց համակարգված վերլուծության արդյունքում, Բողոքներ քննող անձը հանգում է այն եզրակացության, որ Պատվիրատուի կողմից չի պահպանվել Կարգի 45-րդ կետի դրույթներով սահմանված իմպերատիվ (պարտադիր) դրույթները, որպիսի պայմաններում «Գնումների մասին» ՀՀ օրենքի 6-րդ հոդվածի 1-ին մասի 6-րդ կետի «ա» ենթակետում նշված պատասխանատվությունը չի կարող վրա հասնել ու հանգեցնել Մասնակցին՝ գնումների գործընթացին մասնակցելու իրավունք չունեցող մասնակիցների ցուցակում ընդգրկելուն:

Ելնելով վերոգրյալից և ղեկավարվելով «Գնումների մասին» ՀՀ օրենքի 50-րդ հոդվածի 7-րդ մասով՝ ՀՀ գնումների հետ կապված բողոքներ քննող անձը.

## **Ո Ր Ո Շ Ե Ց**

ՀՀ ֆինանսների նախարարության կողմից 24.02.2020թ.-ի թիվ 26/26-1/2668-2020 գրությամբ «Ջետտա» ՍՊԸ-ին գնումների գործընթացին մասնակցելու իրավունք չունեցող մասնակիցների ցուցակում ներառելու նպատակով նախաձեռնված թիվ ՍՑ-ԼՕ-2020/59 ծածկագրով ընթացակարգը մերժել:

ՀՀ գնումների հետ կապված բողոքներ քննող անձի ընդունած որոշումն ուժի մեջ է մտնում այն տեղեկագրում հրապարակելուն հաջորդող օրը:

ՀՀ գնումների հետ կապված բողոքներ քննող անձի ընդունած որոշումն իրավապարտադիր է, որը կարող է փոփոխվել կամ վերացվել, այդ թվում՝ մասնակի, միայն դատարանի կողմից:

ՀՀ ԳՆՈՒՄՆԵՐԻ ՀԵՏ ԿԱՊՎԱԾ  
ԲՈՂՈՔՆԵՐ ՔՆՆՈՂ ԱՆՁ՝



ԼԵՎՈՆ ՕՎԱՆՅԱՆ